

A Mesa da Deputación Permanente do Parlamento de Galicia, na súa sesión do día 27 de decembro de 2023, adoptou o seguinte acordo:

PUNTO 2.º ELECCIÓN E COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

3. Administración do Parlamento de Galicia

3. Administración do Parlamento de Galicia

3.1. Convenios

3.1.a) Convenio de colaboración entre o Parlamento de Galicia e a Axencia Tributaria de Galicia para a cesión de información de carácter tributario, así como dos demais ingresos de dereito público para a concesión de axudas e subvencións e a contratación coa administración.

I. No marco da colaboración, cooperación e coordinación que deben presidir as relacións entre as Administracións Públicas, o Parlamento de Galicia e a Axencia Tributaria de Galicia en beneficio do cumprimento das súas funcións, consideran necesario o establecemento dun sistema de subministración de información da que poida dispor a Xunta de Galicia a favor do Parlamento de Galicia e que permita a este obter a información que precisa de terceiros para o exercicio das súas funcións, logo de autorización dos obrigados tributarios, de forma áxil, mediante o uso de medios informáticos ou telemáticos coa consecuente eficiencia e minimizado de custos soportados por ambas as partes.

II. A Presidencia da Axencia Tributaria de Galicia ten asignada, segundo o artigo 14 do Decreto 202/2012, de 18 de outubro, polo que se crea a Axencia Tributaria de Galicia (en adiante ATRIGA) e se aproba o seu estatuto, a subscrición, en nome da entidade que preside e nas materias que sexan da competencia da ATRIGA, de convenios de colaboración con entidades públicas e privadas excluídos da lexislación de contratos do sector público.

III. O obxecto deste convenio é establecer un marco xeral de colaboración sobre as condicións e procedementos polos que se debe rexer a cesión por parte da ATRIGA ao Parlamento de Galicia, previa autorización expresa dos interesados para os procedementos de axudas e subvencións e formalización de contratos co Parlamento de Galicia, preservando en todo caso os dereitos fundamentais á honra e á intimidade persoal e familiar dos cidadáns e á protección de datos persoais. A cesión de información pola ATRIGA terá como finalidade exclusiva a colaboración co Parlamento de Galicia no desenvolvemento das funcións que este teña atribuídas cando, para o seu exercicio, a normativa reguladora esixa a achega dunha certificación expedida pola Xunta de Galicia.

IV. O Parlamento de Galicia, órgano constitucional ao tenor do artigo 152.1 da Constitución, e Institución básica de Galicia, poder público do sistema político galego, tal e como se desprende dos artigos 9 e 10 do Estatuto de Autonomía, ten autonomía para celebrar os acordos que lle posibiliten o desenvolvemento eficaz e eficiente das funcións que estatutariamente lle corresponden. O Regulamento de organización e funcionamento da Administración do Parlamento de Galicia, aprobado polo Acordo da Mesa do Parlamento de Galicia, do 17 de abril de 2018, establece no seu artigo 26, que a Presidencia do Parlamento de Galicia é o órgano competente para subscribir, en representación do Parlamento de Galicia, os convenios de colaboración.

V. Non cabe cualificalo, dada a natureza do convenio de colaboración e os compromisos adquiridos polos asinantes, como contrato administrativo, considerándose excluído do ámbito da Lei 9/2017, de 8 de novembro, de Contratos do Sector Público pola que se traspoñen ao ordenamento xurídico español

Gabinete da Presidencia

Intervención e Asuntos Económicos

Servizo de Persoal e Réxime Interior



as Directivas do Parlamento Europeo e do Consejo 2014/23/UE e 2014/24/UE, do 26 de febreiro de 2014 virtude do art. 6 do mesmo.

As actuacións previstas no presente Convenio non xerarán gasto nin darán lugar a contraprestación financeira entre as partes asinantes.

VI. O Gabinete da Presidencia propón formalizar este convenio de colaboración coa Axencia Tributaria de Galicia, ao abeiro das competencias atribuídas no artigo 6 e 7 do Regulamento de Organización e Funcionamento da Administración do Parlamento de Galicia (ROFAPG), de asistencia técnica e funcional á Presidencia no exercicio das súas funcións e nomeadamente pola facultade de propoñer e supervisar o asinamento de convenios e o seu seguimento.

VII. O Convenio de colaboración concretará os seus obxectivos e os principios e regras de aplicación ás condicións e procedementos de subministro de información contemplado neste convenio. Asemade no Convenio establecerase a duración e as garantías para o seu cumprimento, así como as causas de resolución se fose o caso.

VIII. O convenio ten natureza administrativa e rexerase, nos termos que se detallan no apartado V desta memoria. As partes comprométese a resolver de maneira amigable calquera desacordo que puidera xurdir no seu desenvolvemento. As cuestións litixiosas que poidan xurdir na súa interpretación ou cumprimento e que non poidan ser dirimidas pola Comisión de seguimento creada para tal efecto, serán de coñecemento e competencia da orde xurisdiccional do contencioso-administrativo. O convenio queda suxeito ao cumprimento da lexislación que lle sexa de aplicación en materia de protección de datos de carácter persoal e de transparencia, acceso á información pública e bo goberno.

Vista a memoria-proposta do director do Gabinete da Presidencia, ao abeiro dos artigos 6 e 7 do Regulamento de organización e funcionamento do Parlamento de Galicia, de competencias de asistencia técnica e administrativa á presidenta ou ao presidente, e nomeadamente da proposta e supervisión de asinamento de convenios e do seu seguimento. Consta no expediente o informe favorable dos Servizos Xurídicos, así como o de Intervención que fiscaliza de conformidade o expediente para a subscrición deste convenio e sen custe económico.

A Mesa adopta o seguinte acordo:

1º) Autorizar a formalización do convenio de colaboración entre o Parlamento de Galicia e a Axencia Tributaria de Galicia para a cesión de información de carácter tributario, así como dos demais ingresos de dereito público para a concesión de axudas e subvencións e a contratación coa administración.

2º) Este convenio non comporta custe económico, e terá unha vixencia de catro anos desde a data da súa sinatura. En calquera momento antes da finalización do prazo previsto anteriormente, as partes poderán acordar unanimemente a súa prórroga por un período de ata catro anos adicionais ou a súa extinción.

3º) Comunicarlles este acordo ao Gabinete da Presidencia da Cámara, á Intervención e Asuntos Económicos e ao Servizo de Persoal e Réxime Interior.

Santiago de Compostela, 2 de xaneiro de 2024

Xosé Antón
Sarmiento Mendez
Letrado Oficial Maior

Firmado digitalmente por Xosé Antón
Sarmiento Mendez, Letrado Oficial Maior
Nombre de reconocimiento (DN): cn=Xosé
Antón Sarmiento Mendez, Letrado Oficial
Maior
email=xsarmiento@parlamentodegalicia.gal
Fecha: 2024.01.02 14:21:48 +01'00'

Xosé Antón Sarmiento Méndez
Letrado oficial maior

Gabinete da Presidencia
Intervención e Asuntos Económicos
Servizo de Persoal e Réxime Interior



Asinado dixitalmente por:



PARLAMENTO DE GALICIA
REXISTRO XERAL SAÍDA
Data asento: 02/01/2024 14:26:01
Nº Rexistro: 18599
Data envío: 02/01/2024 14:26:01.702

Xosé Antón Sarmiento Mendez, Letrado Oficial Maior na data 02/01/2024 14:21:48

CSV: REXISTRO-ZxZfR8PV-8
Verificación:
<https://sede.parlamentodegalicia.gal/tramites/csv/>

